

REGULATIV DA TIR
DALLA
SECZIUN DA CATSCHADURS
VALLATSCHA

commembra dall'uniuon cantunala dils catschadurs da patenta
(BKPJV)



MEDEL / LUCMAGN

2019

INTRODUCZIUN

Il menaschi da tir dalla secziun da catschadurs Vallatscha duei en emprema lingia haver igl intent d'in trenament persunal e sittar en la buis. Inaga per onn meina la secziun atras in tir intern. A quella caschun duei la concurrenzia interna denter ils catschadurs denton buca muncar.

Art. 1 INTENT

Sin fundament dil "regulativ per menar atras tirs cantunals, tirs da secziun e tirs interns da catscha" dil BKPJV - il qual ei el medern mument era il fundament per quest regulativ -, relai la secziun da catschadurs Vallatscha il suandont uorden pil menaschi da tir dalla secziun.

Art. 2 SEGIRADA

La segirada da responsabladad ed accident ei obligatoria pils tirs d'exercezi e tirs interns da catscha. Mintga tiradur ha dad esser en possess d'ina tala segirada.

Art. 3 ARMAS

Pil tir intern ein mo buis da catscha ch'ein en cumplein stan da funcziun tenor las perscripziuns da catscha cantunalas lubidas. Ils representants dalla survigilonza astgan prender part al tir intern cun la buis d'uffeci.

Giaccas, vons e capetschas da sittar sco era tschentas da match ein buca lubidas al tir intern.

Pils tirs d'exercezi dat ei neginas restricziuns dil caliber.

Art. 4 PARTICIPAZIUN

Affons en accumpagnament d'ina persuna da survigilonza, astgan sittar naven dil 10avel onn da naschientscha.

Pils auters tiradurs vala la vegliadetgna minimala tenor la lescha cantunala d'examens da catscha per purtar e manipular ina arma sin la piazza da tir.

Sin la gliesta da rangaziun dil tir intern figureschan sulettamein commembers dalla secziun. Tut ils ulteriurs tiradurs vegnan rangai ord concurrenzia.

Art. 5 SANITAD

Mintga plazza da sittar ha dad esser equipada cun in'apoteca d'urgenza. Quella ha da cuntener sper il material usitau ina gliesta cun las numeras da telefon d'urgenza.

Art. 6 PREVENZIUN D'ACCIDENTS

Igl ei scumandau da deponer ni purtar armas cargadas. La serradira dalla buis e la conna da cupitgar ston esser aviartas.

Art. 7 DISTANZA DA SITTAR

La distanza da sittar ad Urlatsch munta a 150 m.

Art. 8 SCHIBAS

- Il tir intern vegn sittaus sin la schiba camutsch nr. 4, seniester (DJV cul maletg da pèz dil BKPJV), senza taccader alv.
- Pils tirs d'exercezi sa ei era veginr montau autras schibas, sco per exemplu la schiba per sittar en la buis ni siluetas ed auters maletgs.

Art. 9 ORDINAZIUN D'INDICAZIUN

La valetada dils siets funcziunescha automaticamein cul sistem da sittar electronic. Igl ei pusseivel da sittar cun differentas valetadas sco per exemplu 10 ni 100.

Art. 10 PROGRAM DA TIR INTERN E POSIZIUN

Ei vegn sittau 8 siets en 3 passas per la rangaziun dil tir intern. Ils siets d'emprova ein buca limitai. Mintga passa sto vegnir sittada senza interrupziun. Denter las passas astga vegnir sittau emprova.

Program:

- | | |
|-------------------------------|--------------|
| • 3 siets en venter tschentau | valetada 10 |
| • 3 siets en venter tschentau | valetada 100 |
| • 2 siets sesend vid il pal | valetada 10 |

Tiradurs che cumpleneschan egl onn current il 70avel anniversari han la pusseivladad da sittar tut las passas en venter tschentau.

Art. 11 RANGAZIUN

La rangaziun succeda suandontamein:

- igl ault resultat
- il surpli da muschas
- la vegliadetgna

Tut ils commembers dalla secziun che fineschan il program da tir intern retscheivan in premi.

Art. 12 TABLA DA RANGAZIUN

Ils emprems treis rangai vegnan inscrits en ina tabla da rangaziun. Quella tabla resta el local dalla secziun.

Art. 13 VIGUR LEGALA

Quei regulativ ei vegnius approbaus dalla radunanza generala dils **13 d'avrel 2019** e remplazza il regulativ dils 22 d'uost 2010.

Per la secziun da catschadurs Vallatscha, ils 13 d'avrel 2019:

Il president



Ursin Venzin

Igl actuar



Vital Lutz